

# Н О В И Н И

ЗА РУСНОХ У ЈУГОСЛАВИЈ

„Руски Новини“ виходза кажди в-  
дзень. — Предплата на рок 55 Дин.  
Адреса: „Руски Новини“ Р. Керестур.  
Число Чековног рахунку 59-356.

Видава: Руске Нар. Просв. Дружтво  
За редакцију одповеда: Мих. ФИРАК.

## Нова Југославија.

### СПОРАЗУМ СЕРБОХ ВОС ГОРВАТАМИ

Од самого свог початку наша держава мала едну вельку рану, котра ей не дала, да ше так розвие и да будзе напроци других державох, а и сама у себе така моцна, яка по своей велькосци и природним богатству мала буц.

### ГОРВАТИ НЕЗАДОВОЛЬНИ.

Тота жива рана, котра за 20 роки повоенног живота Југославији непрестано кир- вавела и гамовала розвой младеј Југославији було так зване горватске питане. Воно об- стояло у тим, же Горвати од початку були незадовољни зос нукашним ушореньом Ју- гославији и зос ей владу. Вони ше чувство- вали, же су неровноправни зос Сербима, же не маю тих правох котри им у своей власней держави спадаю. Нарикали Горвати, же Серби шицку власц вжали до својих ру- кох, же вшадзи на високи места и звания положили лем Сербох, же Горвати маю лем плациц порцију и задовољц ше, же су лем на паперу еднаки зос Сербима, а насправди не.

Видзели далей Горвати, же тот неедна- коправносц, тот сербска гегемония закрива ше за „народне единство“ и вони отворено проци того единства народног виступели, не признавали, же вони еден исти народ зос Сербима, але окреми самостойни гор- ватски народ, котри ма право на свой шле- бодни живот у границох Југославији.

### БОРБА ГОРВАТОХ.

И почала ше борба Горватах за равно- правносц зос Сербима. Водзела ю найвекша горватска странка »Горватска Селячка Стран- ка«, котру основал и водзел на далеко по- знати Штефан Радич, а по його шмерцц Др. Владко Мачек. У теј борби Горвати вельо страдали, а церпела и цала держава. Велі сербски политичаре не сцели ані чуц о гор- ватским питању, не признавали, же Горвати нееднаки зос Сербима и же маю прецо буц у Југославији незадовољни. Други заш сербски политичаре як на приклад недавни премиер Стоядинович, признавали, же гор- ватске питане постої и треба Горватах за- довољц, але ніч у тим погляду не зробели.

### СПОРАЗУМ ЦВЕТКОВИЧ — МАЧЕК.

Баш прето и спадла влада Стоядиновича, бо не сцела ше з Хорватами порозумиц. Пришол на владу Драгиша Цветкович и та- кой почал догваряня зос Дром Мачеком. Почало ше ише пред Вельку Ноцу, на еден час були догваряня претаргнути, аж 26. VIII. вони звершени зос подполним успихом.

Др. Мачек и премиер Цветкович под- писали протокол о порозуменю, котре одобрел и Княз Намесник Павло. Так була докончена 20-рочна борба хорватского на- рода за своје народни права у Југославији. По тим споразуму постала окрема бановина Хорватска, до котрей вошла скоро ца- ла предвоена Хорватска и Славония (од- паднул лем восточни Срим од Митровици до Земунa), цала Далмация, едина часц Бо- сней и векша часц Герцеговини. У тих шиц- ких крайох маю Хорвати векшину. Бановина Хорватска ма 66.000 кв. км. и 4 и пол ми- лийони житељох. Тота бановина Хорватска ма вельо векши права як други бановини, вона сама управа зос шицким крем войска,

## ХОРВАТСКО - СЕРБСКЕ ПОРОЗУМЕНЕ

### Влада народног порозуменя

В соботу 26. августа достала Југославија нову владу, котру уж давно шицки обчекова- ли. По порозуменю медзи владу и Хорватами, котре потвердели кр. намесници на чоле вос Й. В. Князом Намесником Павлом, до влади ступели хорвати на чоле и вос самим Дром Мачеком. Влада вложена так:

Премиер Драгиша Цветкович,  
Подпредс. влади Др. Владимир Мачек,  
Мин. финасийох Др. Юрай Шутей (Хорв.)  
Мин. тарговини Др. Иван Андрес (Хорв.)  
Мин. вонкашних дѣлох Др. Цинцар Мар- кович (Серб),  
Мин. нукашних дѣлох Др. Станое Михал- джич (Серб),  
Мин. просвити Др. Божа Максимович (Серб),  
Мин. лесох Др. Джафер Куленович (Му- слиман),  
Мин. железничох Инж. Никола Бешлич (Серб),  
Мин. поштох Др. Йосиц Торбар (Хорват),  
Мин. будовљох Др. Михо Крек (Словенец),  
Мин. войска ген. Милан Недич (Серб),  
Мин. социјалней политики Др. Срдян Бу- дисавлевич (Серб вос Хорватскеј),  
Мин. правди Др. Лазар Маркович (Серб),  
Мин. земледѣлства Др. Бранко Чубрило- вич (Серб).

### Гитлер ше до гварел з большевиками. — Война виши на ценкеј власки.

Як права бомба пришла цалому швету нагла и неподживана догварка Гитлера вос Москву о ненападаню. Уж мешацами цагали ше догваряня Англији и Французкеј в Москву и не могли ше звершиц, а Гитлер през ноц довершел пакт зос своім найвекшим непри- ятељом — московским большевизмом. У чим ше состої тот пакт? Гитлер и Сталим подя- зали ше медзисобно, же не буду медзисобу войовац и Гитлер не будзе помагац тоту державу, в котру би большевици войовали, а так исто и большевици не буду помагац тоти держави, в котрима би Немецка почала войну. Напроци неуспиху Англији у Москви то велічезни успих Гитлера. Шицким постало ясно, же Гитлер ше осигурал од большевиких лем прето, да може фришко звершиц зос

вонкашней политики и железници. Будзе мац и своје порцији. На чоле бановини Хорватскеј стої хорватски бан, котрого именуе сам краљ. При бану е хорватски Сабор, до котрого хорватски народ вибера заступникох зос тайним гласаньом. Хорват- ски бан одповеда лем пред Сабором, а не пред владу у Београду.

Хорвати задовољни и славя тот спо- разум, гоч гуторя, же то ише не шицко на цо вони маю право и цо ише придзе.

И ми сердечно витаме тот споразум. бо зос нїм наша мила Југославија постане вельо моцнейша. Нова Југославија способна да у терашнім чежким часу одбие шицки напади неприятељох. Задовољство граж- данох то главна моц каждой држави. (-к)

### Важна бешед а Д-ра Мачека.

У Загребу в пондзелок, 28 августа отримали хорватски заступници седницу у хорватскеј сабор- ници. Тото засидане отворел д-р Мачек зос тоту бешеду: „У початку сом жадал и сцел, да ше цале

Мин. тѣлесног вихованя Еврем Томич (Серб),

Министри без портфельох (без уряду) Др. Бариша Смолян (Хорв.) и Др. Константин- ович (Серб).

У теј влади ест 5 Хорватах, 10 Сербох, еден Словенец, еден босански Муслиман и еден Серб вос Хорватскеј. Од старей влади оста- ли седем министрове: премиер Цветкович, вонкашнї министр Цинцар Маркович, мусли- ман Куленович, Словенец Крек, Бешлич, Не- дич мин. войски и Еврем Томич. Главни осо- би у теј влади попри Цветковича и Мачека буду Др. Лазар Маркович и Божа Максимович предстваници сербских радикалох, Др. Крек як заступник Словенцох и Др. Чубрилович, як предстваник сербскеј земљорадничкеј странки. Занимиво же у теј влади нет пред- ставника сербских демократах Давидовича.

Нова влада котру в подполним правом волаю влада Народного Порозуменя пришла у барз важних часох у швецце и вона ма вельку задачу, да баш у часу вонних алар- мох нашу державу утвердзи, на правди и ед- накосци шицких гражданох ведии же би во- на могла у тих чежких часох стац як тварда скала — да ей ніхто начкодиц не може. Кажди чесни човек жичи, да тота влада своје вельку задачу спольнї.

Польску. Вон ваш виявел, же пита Данциг и коридор.

Польска, Англија и Французка готую ше отворено на войну. Уж медзи Немецку в ед- ней страни и Англији и Французкеј в другой страни претаргнути железнични рух, аеро- плански линији тиж претаргнути. Английци и Французи охабяю нагло Немецку, а так исто Немци сцекаю зос Англији и Французкеј. Св. Отец тримал на радиу бешеду и повбѣлал держави на мир, але у теј военей лярми Йо- го отцовского гласу не сцу чуц. Гевти шти- ри держави волаю вше нови милиони воякох под оружие, од страху пред бомбардованьом вос Паризу и в Лондону вивожую шицко, цо ма векшу вредносц и тоти два вароши гото- ви на немецке бомбардоване. — Наша дер- жава заш наглашуе, же остава неутрална.

нашо хорватске питане реши цалком (дефинитивно) Але за тераз то не могло буц, бо би заш пришло до нескладу и споразум заш би не бул направени. Прето сом одлучел направиц споразум голем у тим, у чим зме ше могли зложит, а гевто, у чим зме ше не могли зложит, да охабиме за будучносц.

### Питане територији.

На тим основу направени терашнї споразум и так вон не решава шицки питања конечно. Едно од најглавнейших политичних питањох було пи- тане територији (границох). Тото питане хорватскеј територији тиж подполно не решене у терашнім споразуму, але у першим шоре установене, котра територия ма и муши буц виключно хорватска. У тим не може вецей буц спора, ані догваряня. Роби ше ише лем о тих крайох, котри би мали припад- нуц бановини Хорватскеј. Тото ше конечно не могло тераз решиц з огляду на то, же ше нешка ише не зна, чи и други бановини достаню тиж своје автономию. Кед достане автономию Босна и Войводина, теди напевно питане хорватскеј тери- тории будзе инак ушорене. А на кельо того не будзе, ми поставиме нови жаданя у погляду хорватскеј територији“.

## Чи ест на жеми ище места за людзох?

На далеком востоку Японци уж и пред 7-8 роками войовали процив Китайцох, уж и теди одняли од них фалат території, а пред двома роками исто таку борбу проци них обновели и непрерывно провадза ю до нешка.

Японци себе правдаю зос тим, же их держава одвише густо населена, цесно им, шицки ведно не могли би вижиц у своєї держави, вишак свойого народа принуждзени дагдзе висельовац, прето муша свою територію розшириц. А то мож посцигнуц лем зос войну.

Знаме, же наша Европа од шицких других континентох населена найгустейше, у ней ест ище и густейше населени держави як Японска, — вец би европейски народи мали и вецей права як Японци, да силом однімаю жем од своїх суседах — и ми видзие неограничене наоружане и грожене поединих державох зос войну.

Чи наисце наша жем населена уж так густо, же дапоедни народи принуждзени зос силу, зос войну, гледац себе места под слунком?

У тим питаню може дац нам обяшнене лем статистика. Подавам ту даскельо числа статистики шветского жительствова.

### Населеня Югославиї.

Велькосц нашей держави по території 248.665 квадратни километри, а по найновшей статистики мала 1931. р. 13,930.918 жительствох. На 1 кв. км. (тельо як 113 ланци) пада 56 души, — або на едну душу одпада 2 ланци жеми.

Зос нашу державу граніча слідујуци держави: Немецка, котра на 1 кв. км. ма 135 жительствох, — Италия 125, — Болгария 53, — Румунія 55, — Мадярска 86 души.

На цалим швецей-найгустейше населена держава то Белгия. Ёй цала територія 30.444 кв. км., а ма 7,875.000 жительствох. На 1 кв. км. пада 259 души. За ню приходзи европейска Велька Британия зос 182, — Японія 157, —

Немецка 135, — Италия 125 души на кв. км. У шицких других державох на швецей на 1 кв. км. пада менше число душох од 100. Найригше населена большев. Русия, котрей територія (европейска и азійска доведна) виноши 21,909.000 кв. км., а ма жительствох 146,220.000. На 1 кв. км. ма 67 души.

Од континентох найгустейше населена Европа, у ней на 1 кв. км. жию 48 души, у Азії 24, — у Африки 46, — у Сиверней Америки 65, — Южней Америки 4, — у Австралії 1 душа на кв. километер.

Територія шицких континентох, — або цалей жемскей кулі (ту не берем до рахунку 14,300.000 кв. км. Сиверного и Южного Пола сухоземну територію) виноши 135,725.000 кв. км., а на ней жие доведна 1.898.000.000 число людзох. На 1 кв. км. пада 14 души.

Цо ше може доказовац на темелю ту наведзених податкох?

Може ше доказовац, же кед у Белгії — котра спада медзи найкултурнейши и материялно найбогатши держави на швецей — може народ добре вижиц, гоч там на 1 кв. км. пада 259 души, — лебо на едну душу пада просечно лем 961 квадратни ват — теди и на цалей жемскей кулі, на 1 кв. км. могло би добре вижиц, поведземе, голем 1/8 тельо, т. е. 33 души, у котрим случаю на едну душу ушло би ше просечно 3'4 (бліско 3 и пол) ланци жеми. А да на цалей жемскей території, на 1 кв. км. рахуеме по 33 души теди би могло на ней жиц 4 милиярди 467 милийони 920.000 людзох, або ище не далеко двараз тельо, як цо жие на ней тєраз.

Отже, на питане, котре сом наведол на початку — на темелю ту наведзених доказох — одлучно можеме одповесц, же: Жем наша ище далеко нет так густо населена, же би поедини держави з правом могла доказовац, же су принуждзени войовац, да можу набавиц себе простора за живот. При добрей дзеки, могли би тоти свойо жаданя — за тєраз ище — и на мирни способ задоволювац.

М. А. Поливка.

## Тілесна кара и ей наслідки у вихованю.

Вецейраз сом слухал скарги родичох на дзеци, же су таки и таки, а чул сом и мудри поради других, же таким дзецом лем палічка помага. Чи баш наисце палічка едина лік таким дзецом?

На перши погляд випатра же так. Дзецко поведземе не послуха, оцєц вежне палічку покаре дзецко, а исте вильоні гоч зос слизами у очохово жадане. Успих посцигнути.

Но кед тоту ствар дакус лепше преучиме, увидзиме же палічка не лем не хаснує, але цо вецей ма барз чкодліви вплив на дзецко.

Вельки немецки вихователь фон Бавкен, хтори длуги час преучовал „благородносц“ тілесней кари на єдним месце так гутори: „Найвекше зло родичох є баш у тим, же думаю же дзецом лем палічка помага“.

У першим шоре треба знац, же дзецко ма свою гордосц, ма свою свидомосц о самим себе о своїм „я“, хторе баш найглавнейше у вихованю, а каждая увреда тей гордосци, хтора му зос тілесну кару остава як печат на його младей души. Воно понїжене уж з тим, же є каране. У души його зачина ше корень мержні, неповереня, страху и шицкого того, цо завадза доброму розвитку у вихованю.

За доказ того най нам послужа сами викази дзецох, котри випитовал фон Бавкен.

На поставене питанє дзецом „Хтори вам бул найстрашнейши дзєнь у живоце“. 80 проценти дзецох одвитовало, кед були карани и то тілесно,

Єдна мала од 12 рокох дала таки одвит: „Оцєц ме бил, я го не любим и боїм ше го. Кед придзе дому, я вше лем патрим да ше скриєм од нього“.

Отже слова малей najlepше и найподполнейше указую на „благодарни“ вплив тілесней кари у вихованю. Чом да ше у души дзецка збера мержня и страх од родичох? Мало вецей розуменя за дзецко и його потреби и ствар будзе у шоре.

Друга єдна причина пре хтору не треба дзецко тілесно карац, є же ше трафи вецейраз же родичи обогата свойо дзецко. У гнїву вон не патри

зос чим и кадзи бие свойо дзеци. Бул случай, же дзецко остане глухе, хrome и т. д.

Но попри шицким ти знам же себе поставя давдни вопрос. А цо вец робит зос дзеци, хтори непослухаю и упрекосца? Розуми ше же у першим шоре добри совет, а кед анї то не помага, теди кара, але не зос песцу и прутом. Єст тих благих карох досц лем є ствар у тим, же треба знац добре их вихасновац. На концу мушиме признац же єст баш таких хторим лем палічка помага. Но число таких дзецох барз мале.

Отже тілесна кара зос шицкого того вецей чкодзи як хаснує дзецом. З тей причини треба патриц да ше палічка цо меней хаснує. Знайце хаснованє палічки — стої обратно зос способносцами — вихователя.

Е. Планчак.

## Школярска схадзка.

V. Схадзка Українских Школярох у Югославиї одбула ше 12. и 13. т. м. у Миклошевцох у Просвितним Доме.

В соботу, 12. т. м. на 9 годзин рано було официєне отворенє Схадзки зос одшпиваньом державного югославянского и украинского гимну, а дораз по тим отримал п. Петро Бучко реферат „История Карпатскей України“. Далєй слідовал реферат п. Евгєна Горняка „Наша сила у нас самих“ и реферат п. Ивана Ерделя „Значенє спорту“.

Истого дня пополадню бул предложени нови правилник Схадзки, котри Схадзка єднодушно прияла. Потим отримал п. Микола Ерделі реферат „История Українскей Култури“, а п. Кирил Бєсермині реферат о Т а р а с у Ш е в ч е н к у, найвекшим поєту-гению украинским. На молбу п. Миколи Ерделя и председателя Схадзки п. Петра Бучка представел п. директор Шерегий присутним школяром кратки историйт розвою украинского театралного мистецтва у Карпатскей України.

13. т. м. в недзєлю пополадню ше одбула Главна Схадзка. По пречитаню насипих привитох

школярскей Схадзки аплавзом прията пропозиция п. Петра Бучка, да ше пошлю привитни телеграми Й. В. Кралою, премьер-министру п. Драгиши Цветковичу, Преосвященному Владики Дру Дионизию Нярадию и п. срезкому начальникови у Вуковаре. Далєй слідовали специални звити поодиноких одборнікох, а п. Иван Ванчик подад загальни звит дотерашней школярскей роботи и у кратких смугох подад напрям за дальшу школярску роботу. Найважнейши момент у нашей роботи ма буц постанова, же школяре буду на своїм месце, як у питаню науки у школи, так исто, цо ше дотика громадянских длужносцох. Як доказ, же розумя час у котрим жию, же розумя потреби цалей нациї и єй змаганя, видзвигую школяре клич: Єдна Идея, єдна Организация, єден Провид.

На внесок контролней комисії Схадзка поделєла абсолюторий старому одборови и приступла до вибору нового. Нови одбор за приготєванє слідующей, VI. Схадзки вибрани у таким складу: председатель п. Иван Ванчик, подпредседатель п. Иван Ерделі (Загреб), секретар п. Евген Горняк, касир п. Осиф Винай, библиотекар п. Иван Ерделі (Дюрдьов), одборнік п. Иван Виславский. До контролней комисії вибрани: п. Петро Бучко, паночка Фебронка Тимко и п. Юрий Сегеди.

По евентуалиях, у котрих ше предискутовало найважнейши питаня, цо ше дотикаю нашей роботи за слідуєци рок, закончєла ше Главна Схадзка зос одшпиваньом державного гимну и „Не пора...“.

Истого дня вечар керестурски школяре одбавели драму „Хмара“ на литературней украинскей бешеди зос вельким успихом.

Успих представи є заслуга п. директора Шерегия, котри вельо труду уложєл за єй приготєванє и виконанє.

На Схадзки було присутних коло пейдзєшат школярох и сениорох, котри уважно вислухали шицки реферати и поважно дискутовали о шицких питаньох.

Одбор.

## О представи „ХМАРА“.

цо ю бавели керестурски школяре у Миклошевцох.

В недзєлю вечар, на законченє школярскей схадзки, давали керестурски школяре зос п. директором Шерегийом на чолє, представу „Хмара“, драму на 5 дії. Як и сам наслов гутори, обробює ше лем епизода нашего типичного живота. Хмара фришко придзе, а ище швидше пойдзе, да позохабя зло, нещєсце на жеми. Так и ту — зависц, злоба охабя забиту мацєр, цємного оца, поганьбену дзивку невино осудзєного лєгиня и да аж в найкритичнейшим моменту „слунко“ зашвици и одкриє правого злодїя.

Саме виводзєванє було на достойней висини. Чловєк аж теди може себе представи праву слику, кед мал нагоду видзиц драми у вельких театрох. Нет сумні, найвекша заслуга припада п. директорови Шерегийови. Сама бина ище му не допушєла, да укаже подполно свойо знанє и способносц, але його виступ указал нам його праву вредносц. Каждая його гєста, наглашованє словох, мимика таки виробени, же ше чловєк муши зачудовац. У задних двох діях зос своїм бавєнем виволал шицким присутним слизи на очі и не мож ше пречудовац, як ше чловєк може так ужич до своей ролі. Велька би чкода була, кед би п. Шерегий напушєл дилетантски кружок. Думає сом, да ше зос ище єдну представу обидзе шицки нашо валали. У Миклошевцох ше давали велі представи и то добри, але ище анї по єдней представи не остало таке вражинє. Чул сом людзох (миклошевчанє), котри приповєдаю, же як країнє наступа други раз, кед тєраз було так совершено.

Други ролі тиж добре вивєдзєни. Янко Виславски (Андри) приходзи на перше место. Правда, не вше му пошло за руку, да потполно вияви свою душевну борбу. Тимко Фебронка (Настуся) не заостава ніч за першим. Роля твардого характеру цалком єй добре пристаєвала. Ролю Семєна барз добре одбавєл Винай Осиф. Прави циник, котри ше небої нічого шицко пред собу гажи, лем да прийдзе до своей мети. Сама його поява видзвиговала його ролю, а да мало помалши бєшєдовал, не чкодзєло би. Горпину бавєла Иринка Фирак, стара опробована бавячка. Роля поганьбеней и охабеней дзивки нашла подполни вираз у Иринки. Борба зос єй заводніком треба да будзе прикладом. Полицийского писара одлично одбавєд



